



Ассаламу г'ялайкум, дубурлантти!

# ШИЛА Г'ЯМРУ

## СЕЛЬСКАЯ ЖИЗНЬ



Дахадаевла районна жамиг'ятла - политикала газета

№ 9 (8604) 2024-ибил дус.

Мартла 1.

Жумяг'.

Багъа 12 къуруш 32 кепек

### Районна администрациялизиб

#### Выбортачи х'ядурдеш бирниличила г'яй детаур

Г'ялабван Дахадаевла районна администрациялизиб районна бек' Мях'яммад Г'ябдулкадировли бек'деш дирнила удиб совещание бетерхур.

органтала вакилти х'ядурбик'ули саби выборти дарх'ли дурадерб'ес баг'андан.

Совещаниела башрилизиб выбортачи х'ядурдеш бирнила мяг'ничерти мас'улти х'ердарибтири. Илдазибадди кадрич'есиг'унализи халбарес в'рар избирательный участокуни ца дишах'ес хасдарибти г'яг'ниах'лумачил г'ердуцни. Балбуцличир г'яй детаур избирательный участокуни мях'камдирнила ва участокла х'янчизарти урехилизи х'ебирках'нила мурадличил пожарная техника сагадирниличил х'еруди барес х'яжатли би'ниличила.

Совещаниеличир ах'дуцисси мас'ултазирадлири выборти дурадурк'ух'ели оргтехникара, видеонаблюдениела камерабара х'ядурли д'рах'ниличила. Администрацияли пикри бях'ичианиб избирательный участокуназиб бузери къябх'ебердах'или дураберк'ес баг'андан оргтехника дузули диэс х'яжатли би'ниличил.

Цалабикибтани х'ербарисси г'ерг'исиг'уна мяг'нич'есили бетаурси мас'алари арадешлизиб нуксантти адамтани пандусуни пайдаладирес имканти аклах'ни. Избирательный участокуназиб пандусуни пайдаладирни т'амри дедес баг'андан сег'уналра диргаладеш агарли лебилра адамтас аклах'убси имкан саби.

Т'амри лугух'ели, адамти хут'ла шалаличил г'еббуцнира мяг'нич'еси саби. Избирательный участокуназиб хут' х'ебузух'ели, пайдаладарес виэсти г'урх'ейс х'ядурдарибти генераторти диах'ес х'яжатли би'нира кадрич'еси мас'айзи халбариб балбуцличил.

**М. Чапарова. Информационный центр.**



Илар бут'ак'яндеш дариб районна прокурорли, ОМВД-ла ва г'ундурала службала х'янчизартани. Иличилли баг'если саби балбуцличил ах'буцисси мас'алала мяг'нич'едешличила. Илк'яйдали х'укуматла деклар-декларти

### Выбортачи х'ядурбик'ули

Дахадаевла районна бек' Мях'яммад Г'ябдулкадировла х'арбарк' х'ясибли, лерилра избирательный участокунази жавабкардеш дихути адамти барх'или саби, илаб выбортачи х'ядурдеш бирнила аги ахтардибарх'ес баг'андан.

Избирательный участокуназиб бузутани бируси х'янчила х'ек'лизибси отчетличила ахтарди дураберк'ибти лебтанилра аппаратла совещаниеличир баянти г'яладих'иб.

Г'ярилли бурулри саби бяк'унти мераначир выбортачи х'ядурдеш бирнила шайчир сег'унти барк'удлума дурадерб'илрил, сег'унти чедетх'еибдешуни даргибал ва илди агардарес баг'андан се барибал.

Илк'яйдали лебтанилра выбортачи х'ядурдеш бирнила бетуцуназиб чедетаах'или ахтардлума дурадерб'иниличила сарк'ях'или баянти дурулри.

Избирательный участокуназиб урехи агарли бузести имканти алках'нилизирадли сари дугила манзиллизир мер-муса хут'личил г'ердуцни, металлоискательти ва пандусуни х'ядурдарни, хабарагарси анц'бук' кабикибх'ели, пайдаладирути сигнализацияла кнопкаби дузулил ахтардидарни, пожарный щитани ва баг'ях'нибала г'яг'ниах'луми х'ядурдарни.

Илдиг'унти далдуцунани чебиах'ули саби районна х'якимти выборти дурадурк'иниличичи чекабизни ва избирательтасра избирательный комиссияла члентасра бузерила г'яг'ити аги-къяйда аклах'ес къайг'ибирни.

Избирательный участокуназиб хут' пайдалабирниличилли дугила манзиллизир бузес имканти алк'ули сари ва адамтала г'ямрулис урехи х'еб'рах'ули саби.

Металлоискательти, пандусуни ва царх'илти г'яг'ар-къяйда х'ядурдарни лебилра адамтас чула чебла таманбарес баг'андан имканти г'ердурцули сари. Хабарагарси анц'бук' кабикибх'ели пайдаладирути тревогала кнопкаби биалли избирательный комиссияла членти мях'камбирнилис сари пайдаладирути.

Пожарный щитани х'ядурли диаллира ц'адирк'нилизирбадди урехи х'еб'иах'ес имканбик'ули саби. Баг'ях'нибала г'яг'ниах'луми избирательный участокуназиб адамти-ургаб ирг'ях'нила х'янчи дураберк'ес баг'андан пайдаладирути сари.

Избирательный участокуназиб илдиг'унти ахтардлума дурадурк'инили ирг'ях'ули саби, выбортачи районнизиб г'яг'иси х'ядурдеш бирниличила ва лебтасалра барх'едешличилти ва г'яргти выборти дурадурк'иниличила. Районна бек'ли илк'яйдали выборти дурадурк'инила бетуцличил халаси пикри бях'ичиули саби.

Лебилра адамтас цаг'унти ихтиюрти дедни ва избирательный участокуназиб мях'камдеш бирни выборти дурадурк'инилизир барх'едешра бирхаудира дак'ударни саби.

**Информационный центр.**



## Бургъантацил гъунибаиб

Дахадаевла районна Зильбачила урга даражала школализиб дурхІнани хъумхІертеси гъабзадешла дарс дураберкІиб. Украинализир детурхути дявила анцІбукъуназир бутІакъяндеш дирути бургъанти Чакабур Закиевличил ва Рабазан ХІяжимурадочил дурхІни гъунибаиб. Илди бургъанти Зильбачила школализиб бучІули калунтири. Бургъантани чеалкІуси наслула вакилгази чула дявила опыгличила, дергъла майдайчир кадиркути анцІбукъуначила ва бургъантани дакІудирети игитти баркъудлумачила баянти дуриб. Бургъанти чула шилизи отпускличи бакІибти саби. Чакабурли ва Рабазай школьникуначил дураберкІибси ихтилат ахирличи биркухІели, дурхІнани дедибти суалтасра илдани чедетаахъили жавабти чардатур.

Гъунибаъни дурхІнас тамашабизесил ва мягІничебсила бетаур. Балбуцла дазурбазиб дурхІнани СВО-лизир бутІакъяндеш дирути бургъантала игитти баркъудлумачила баянти аргъиб, илдани сегъунти дявила хъарбаркъуни тамандирулил багъур, ВатІайс къуллукъбирухІели школализир руркъути сегъунти предметуни пайдаладирарал белгибариб. Ил гъунибаъни кумекличил дурхІнани аргъиб, СВО-лизиб къуллукъбирути бургъантала баркъудлумачила ва къаршидиркути далагардешуначила баянти.

Гъунибаъни ахирличи биркухІели мугІяллим Цібац Ацциевнани бургъантас баркалла багъахъур ва буриб: «Мурул адам секъяйда чІумаси вирусил мисал чебиахъути багъадурти саррая хІуша. Нушани



иш балбуцличила хъумхІертехІе ва гІурра хІуша чедибдешличил ара-сагъли чардухъунхІели къаршидикес къасбирехІе».

ДурхІнала уркІбазир шалати къел-хІерзи датурси балбуцли бетаур ил гъунибаъни. ЧеалкІуси наслу гъабзадешчебтили ва ВатІайчи дигичебтили биахъес багъандан гІурра илдигъунти гъунибаъниби имцІали дурадуркІалри гІяхІсири.

Ш. МяхІяммадова.

## Баркаллала кагъар касиб

Замана-заманаличир дубурланти гІяхІ-гъубзнани ламусличил ВатІайс къуллукъбирниличила илдани къуллукъбирути мераначирадли баркаллала кагъурти кайсули дирар. Илгъуна анцІбукъ кабикиб ишди бурхІназибра. Буралли, Кубачила шила бекІ ГІябдусалам Куртаевли, ургъан ГІялихан СягІидовла бегІти Хадижа ва Юнус ГІялихановхъалани гвардияла десантно-штурмовой 234-ибил полкла командир, полковник Александр Носовла шайзибадли баркаллала кагъар касиб.

Кагъарлизиб командирли баркалла балахъулри илгъуна гъабзадешчевси урши айкънилис, илис патриот бяркъ беднилис. Илкъяйдали гІяхІси бяркъра бедили, ВатІайс къуллукъбируси уршили сай цархІилтас гІибратли ветаурси, хъарбаркъуни ламусличил тамандируси, бархъдеш дигуси, сунела санигІятлати устадеш гъаладяхІ дикес къайгъилизисви ургъан сайлин чеахъиб. Илкъяйдали командирли шила бекІ ГІябдусалам Куртаевлисра баркалла багъахъур кубачилантани чеалкІуси наслулис патриот бяркъ бедести имканти акІахънилис.

Илдигъунти баркаллала кагъуртани бикъридеш дирули сари ВатІайс мардешличил къуллукъбирнила ва патриот бяркъ лугнила баркъуди ахъли къиматлабирнилис. Нушала улкалис мардешличил къуллукъбирути багъадуртани ВатІан вавалибяхъяхъес багъандан къайгънни да-кІудирниличи нушани пахрубирес хІяжатбиркур.

А. Рашидова.

## Иргъахънила хІянчи дурабуркІули

ШуцІайчибра имцІали координаторли ва избирательный участокунала 117 членни Дахадаевла районна мермусаличирти шимазибти избирательтала хъулрази башули, иргъахънила хІянчи дурабуркІули саби.

ИшбархІилис вецІал азиричибра имцІали избирательличи бякъи саби илди. Илдачи хъулрази башнила баркъуди даимбируси саби мартла 7-личи бикайчи.

Илкъяйдали УИК-ла члентани избирательтас выбортаци бакІахъес багъандан приглашениеби лугули сари, чинаб, мурт тІамри дедес хІяжатлил иргъахъули саби. Илкъяйдали Россияла Президент ветаэс багъандан чихъали кандидатуни сабилра бурули саби. Илала дурабадлира, хъулрази башантани сияхІлизи каберхахъурти избирательтачила лерилра баянтира белгидирули сари. БурхІелли, илдала ФИО, акІубси манзил, чинаб регистрація барилли хІясиббирули саби. Выбортазир бутІакъяндеш дирниличила суалти лугули сари, тІамри дедлугничилила чедетаахъили баянти дурули сари. ХІяжатдеш акІалли избирательтазибадли гІярза (заявка) сайсули саби, сай хІерируси мерличиб тІама бедяхъес багъандан.



## Терроризмаличи къаршили

### МяхІкамдеш бирнила мурадличил

Гъаларван Дахадаевла районна Уркухъла шилизибси 0354 ибси номерла избирательный участокулизир выборти дурадуркІухІели, терроризмала анцІбукъуни хІедиахъес багъандан тренировкабала учениеби дурадуркІиб. Балбуц дураберкІиб ФСБ-ла, Россияла Дахадаевла районнизибси ОМВД-ла, 44 ибил номерла ПЧ-ла, районна центральная больницала вакилтала ва цархІилти оперативный группабала члентала бутІакъяндешличил. Россияла Федерацияла Президентла выборти дурадуркІухІели мяхІкамдеш бирнила мурадличил сабри илгъуна баркъуди дураберкІибсира.

Илдигъунти учениябала гІяхІдешличибли выбортала замана сегъуна-биалра хабарагарси анцІбукъ кахІебикахъес имканбикІур. БурхІелли, илди тренировкаби дурадуркІути сари выбортаци цаабиркути адамтала гІямрулис урехи хІебикахъес ва терроризмала анцІбукъуни кахІедикахъес багъандан. Избирательный участокуназир илкъяйдали гъарил секІал чедетаахъили ахтардидирутира сари.

Информационный центр.



## УркIби ванадируси байрам

Дусми ардашуд дубур-лантала гIядатуна дарс-дикIули сари ва адантала баркI-бацра цархIилти миллатуналайчи мешудиркескадирули сари. Се-биалра гIяxIла шайчи барсбирни дигеси саби, амма хала бегIтани даршани дусмадли дузахули калунти гIядатунара культу-рала бетуцунара мяxIкамли дихIес нушала чебла саби. Ил секIал пикрилизи касили, дарган мез гIаладяхI арду-кяхъес багъандан ва даргантала дахъал шимазибад-ти вакилтала ургар-ти гIалмагъдешла бархбасуни чIума-дирахънила мурад-личил аклахъубси саби «Даргала анкIи» бикIуси кьу-кья. Ила кабурули саби бахъал нешла мезла, цархIилти предметунала мугIяллимти, поэтуни, жур-налистунни ва деклар-декларти санигIятунала бегIти адантани. Илди гъар бархIи савиличибадди саламбикIули бехIбирхъур ва бархIи ахъайчи кьугъаси ихтилат бумжахъа. Урга-ургади байрумтачил ва чила-биалра гIямрулизиб каби-кибси гIяxIси анцIукичи-чил бархбасахъи, кьугъаси шадлихъра дурабуркIу.

Иш гъакIлисра февралли-чиб дурабуркIуси мурул адантас хасбарисби байрам-личи анкIиланти цалабикиб

деклар-декларти дусмала ва-килти, амма илди цалаби-кибхIели дусмачира манзил-личира хIерхIели, кьугъали авид бумжахъули бирар. Дила пикри хIясибли, илди лебилра урки гъарти, ла-

ХIеркадирулра нуша, АнкIила гIязиз рузбас Ахъри луганти сарра.

ЗурхIябла ранг хIушазир, Зубарти – хIераназир, Нушала гъарбизуни

Гъар бархIи, дила узби, ХIуша амин дикIена, ХIушаб анкIила рузба Дирули сарну балгни.

Заблиу хIярхIубала Мадикаба цайналра,

Дусла лерилра бурхIни Нушала байрумти сар, Гъар савли саламтачил ТалихI барх бихуси саб.

Дусла бурхIназиб бегIла Дурхъал февралличиб саб, Рузбас дигуси бегIла Ил байрам узбала саб.



мус-яхIли бицибти, дубур-лантала гIядатунас марти ва разити хIял-тIабигIятла адантани сабхIели, илкьяйда цабалги ва сегъуналра кьалпдеш агарли пикрибикIули, ихтилат бумжахъуси саби кабизалачебти дарган-тани. Нушала балбуцличичи цалабикибхIели, далай-делхъ гIердуцес гIела-битикIути хIебирар, цала урки итилли заябируси хIейрар, лерилра гIямрули-зиб цахIнаб халакабаибти узби-рузбиван шадли бирар.

Цаличи ца кьукъялизиб дугъабилзухIелира узи ва рузи или бирар гъайбикIути. Илгъуна балгунси авидла

ХIушала кьасаназир.

РухIла узбиван хIуша Нушаб ахIерти сарра, ГIямрула дурхъал мягIна МукIурлира, хIушара.

**Пирдауз ГIялиева**  
ЦIубхIярла кьаркьаличил Барисби кьалагъунти, Къияндибил мусанир Даршлизи ца дулхъанти.

КуцIила вацIализи Адалкунти цагъунти, Датаба чарх арали АнкIила багъадурти.

БехIличи цIа адалкуй Игъуб кIачирангъунти,

Ярагъ вайна гъубзнала Сигли дергабну чала.

Калгабая хIулкIули, КамхIейубли цаялра, «Ханнизи» Разиятла Даим цаладирули.

**Мисей Рабаданова**  
Иш дунъяла кьакъличир Кьапа бихес акIубти, Мабиаб гIямрулизиб Кьапа убяхIбарести.

Дявила гъужумлизир Гъунартачи гъалакти Каммайаб гъазализив Кайкибси ахъуцести.

ХIялал хIянчила хъучир Някъ бамсайчи дузантани, ЯхI-хIяя ил дякьличир Багъалис хIедирцанти.

Цала далайла макъам Идилта гIеббурцанти, Унрала делхъла тIягIям ХIяйт или балбуршанти.

Чис кьиян дикаллира Балуй някъ гъабалтанти, ТалихIра мекъ-сяхIбатра КIиркадарес дашанти.

Делкъес хурег гушхIели Ванал палтар гъаргхIели, Кариилра рулгули Каммадиаб рикIули.

Марти узби АнкIила ГIяxIти гъубзни Даргала,

Ара сагъли мурталра Датаба хIуша дила.

**ПатIимат Къурбанова**  
Даргала дубуртазир АкIублихъар декларли, Уржибси анкIилизир ХIердирулра разили.

Ца нешли хIедаркьибхъар Узби-рузбира нуша, Лугъатуни деклархъар Урки-хIял цагъунти сар.

Пурбанбарая, узби, ХIуша мубаракдарес, ХIушала шанда уркIби Дигулра разидарес.

ХIушаб дулгулра нуни Дунъяла гIяxIдешуни, Даим бургули гъуни ГIяxI хабарли хIушачи.

Разидирули даим ДурхIнала гъарбизуна, Даршуси закла удир ХIулкIули хIердиаба.

ХIушаб бузерилизир Дирав чедиддешуни, Гъарил кайцIул ганзлизир Диаб сархибдешуни.

**Насибат ХIяжиева**  
АхIер мурул адантани ВатIанна кьакъбяхъуни, ХIушала мубаракла Байрам саби ишбархIи!

Ахъдурцугу пигълуми Арадешлис гIяxIдешлис, Гуррара ахъдуца Муйлала гъабзадешлис!

БягIуси михъирличил Гъабули душмантани, ВатIанна гъармукаби БялчIутигу хIушани!

БяхIличиб ва гIянайуб Ярагъ дири аднала, Душман хIевсни балули СигхIейрахъи сеналра.

Дяв биганти тIашаес ВатIанна бару сарра, Ил батахъес хIядурти Кайзурти гъубзни сарра!

Аргъаб балга абнала Калахъес разил дунъя, Дургъби дигатанталара Мяржкаябгу ханжалра!

Чарх арали датарти Лерил мурул адантани, ХIуша лерхIели сабну Нушала юрт шаласи!

**П. Къурбанова.**



«Хан» бикIуси ресторайзи. Ил янила гIергъисигъуна баз биалра, лебталалра уркIби ванадируси байрамла балбуцличир хъунул адантани чула дулекIла узбаз халбирути мурул адантас урки-уркIиларадти малхIямти гъай дуриб ва назмурти делчIун.

Гур бемжур далай-делхъли жагабарисби шадлихъ.

Гъайгъай, анкIилизиб леб

рузбани, ВатIан балтахъанна бархIиличил бархбасахъи, чула дарган узбас делкIунти назмуртира учаннис гъала-дирхъехIе:

**Аминат ГIябдулманапова**  
АнкIила багъадурти ГIямрула мягIни сарра, Нушаб гIямал агарти АнкIила давла сарра.

ХIушала асарлиур

Калгаба уркIби шадли, Узби дила кIиэсти.

ДуцIрумла буцIар берхIи Кабухъун цIуэргъунти, Даргала гъубзназира ДХIуша бегIла чIумати.

Сарра хIуша мурталра Ламус-яхIлис гъалакти, ДурхIнас, хъунуйс мартили ГIямрулизир калгартани.







### ТИМУРЛИС

Февральла кІиличиб, дугІяр бурхІназиб,  
Ахъти дубуртазиб, биштІа шилизиб,  
ТІинтІбиубли сабри хабар гІяхІдешла -  
Рабаданнис марзла урши акІнила.

Мирзидти шилизир дам дяд зайдухъун,  
Мубаракла дугъби гъар шайчир арцур,  
Разидешла ахир бугагарсири,  
Мубаракла гІумегІ ласбикІусири.

Рабаданни Тимур ура бедилри,  
Пахруличил урши халавикІулри,  
ЯхІ ламусла гъабза шилизив сайри,  
Далай делхъла уста урибси сайри.

Ши шантала пахру ил Тимур сайри,  
Шантала сунени децІра буртІулри,  
Тимур варх агарли сяхІбат бетхІери,  
Унра шимазивра гъабза валулри.

Шира бархбатурли тахшагъарлизи  
ВатІан балтахъанна керхур къяйлизи  
Илра таманаиб ахъси къиматли,  
Узулри багъадур улкалис марли

Ноябрьла бархІи зак цІударбиуб,



Цудара гъагулта тахшагъар буциб,  
Нажасла хІярхІяли гІямру дайдахъиб,  
Михъирла буцІарси уркІи шипІбяргІиб.

Тимур гъануршулри : узи виштІаси ,  
Усулрив паргъатли гъанкІли муръиси,  
Дунья каберхалра хабар кавлуси,  
Сайри хІу гІяхІ гъабза шила биштІаси .

### Бургъантас

Душмантачил бургъибти

Чидил иша чум ишав  
Чила у гъанбушишав  
Дигайли хІабелкъунти  
Мурадли хІебаибти

Ригуйли хІедуциб хъяб  
Бихърилизи дуцибти  
ХІекъли жагъил жайранти  
ЦІябил хІябли буцибти

Айкъурти дудешуна  
Кадик игІяйла цулби  
Дуньяла даршдуслизиб  
ХІебирарну пишбяхъес

ГІярасайла майдунти  
ХІели хІунтІен дарибти  
Жан ахІер хІедарили

ХІуша даркъиб абнала  
Дерсабну бекІла чурми  
Цудара кІаналиур  
РуцІарну децІла цІали

Чидил ишав чум иша  
Ахъ галгала кІапІрицад  
Дай гІямру дайдердибти  
Дигул дунья датурти.

### Дигаси ца далай эс

Дубурти зайдухъесли  
ГІярасайла майдайчир  
ХІярхІуби миъдьяргІясли.

Дигахъаси далай эс  
Дай уркІи зердухъесли,  
ЦІухбарисби карцІили  
Шишимта хІеберцІесли.

Дигулра гІамадарес  
АнцІкьки децІ  
кІундацІесли,  
ДецІлизибти абнала

ХІулби шаладиэсли.

ГъуцІлира далайрикІес  
Багъадуртас дявила,  
Жанра ахІерхІедарес  
Хъя барибти мардешла .

Дигулра далай белчІес

**Майсарат Къадиевна**

### Дагъиста марти уршбас

ВатІанна гІяскуртазиб  
Хъарси къуллукъ бирути.  
ГІярмила чебла ахъес  
Замана гъамбикІути.

ХІушаб нуни дулгулра.

Гъунартира сархули  
Дургъбала майдайчирти.  
ХІиллакартачил дургъес  
ГІяхІулалли дякъунти.

ХІушала бекІла чедир  
Даршдешла нур ухаб.  
ХІушала анкъилизиб  
Дигила лами ухаб.  
\*\*\* \*\*

Дагъиста багъадурти  
УркІи шанда картІибти.  
Адамдешра ламусра  
ХІушачил дарх акІубти.

Байрамличил хІушала  
Мубаракдирулрая.  
Къакъбяхъуни улкала  
Дагъиста марти уршби.

ХІушала байрамличил  
Мубаракдирулра.  
Дуньяла гІяхІдешуни

Вершадешла , цахдешла  
Мугъур кахІябахъибти.  
ВацІала саргантиван  
Урехи хІебалути.

Заклизиб къиргъулаван

ХІулбала хІер саркъибти.  
ГІевдугълар картІиб мегъван  
Къаршикайс хункІ чІумати.

ХІяна хІурхала бурям  
УркІилизиб бургъути.  
ХІулбала гъар хІерличил  
ЦІала урги урцути.

Дургъбала майдайчирти  
Чардехъаба аралли.  
Вижгурси душман вячІи  
Чедидеш кабухили.

ХІушачи хІерти дурхІнас  
Разидеш кабухили.  
Нешанала хІулбаз  
БерхІила нур абалки.

**3. МяхІяммадова,  
ГІяялахъяб.**

### ВатІанна къуллукъчибас

Бацра бикъри барили,  
Дугела гъанкІ батурти.  
ГІяскуртази баили,  
ВатІайс къуллукъ бирути.

Сархути гъунартазиб,  
ГъаладяхІ ардякъунти.

Душман тІугІувирули,  
КъяйкдикІахъу тупани.  
ВатІанна гъалаб чебла,  
Ихъули саб гъубзнани.

ГІямрула рархкъялаван,  
Ярагъла хъяб дуцибти.  
Хъялис мар гъубзнаниван,  
Пачалихъ хамбарибти.

ГІяскурти сар урхънала,  
Ругертиван дургъули.  
Пикруми душмантала,  
ЛутІила ардихули.

ГІямрулис къадармайаб,  
ТалихІ бульути дявти.  
Гъачамра къаршимайаб,  
Гъанарти душманти.

Къакъличир сар ярагъра,  
Жагъти багъадуртала.  
Азадбатахъес улка,  
Мурталра хІядуртала.

ГІярмияла духъянти,  
БурхІни кункли ахъаба.  
Игитла у сархили,  
ГІеладяхІ чардехъаба.

**СягІидулла  
ГІябдуллабеков.**

**Уркухъла ши.**

ВатІанна гІяскуртазиб,  
Игитла у белкІунти.

### Дигулра

Зайбухъахъес дигулра  
Азадси тІама дила  
Ил тІамала бакъили  
Дявти тІашдизахъеси

Зайбухъахъес дигулра  
Дурхъаси далай дила  
Чула уршбачи хІерли  
Нешанас, хІянбиубти

Зайбухъахъес дигулра  
Дурхъаси АЯТ дила  
Гъала дуцили няхъби  
Дявти тІашдизахъеси

Зайбухъахъес дигулра  
Гъайбатси далай дила  
Гъар дуньяла иинсанна  
УркІилизи атІеси

Зайбухъахъес дигулра  
ЧІумати гъубзнас деца  
Заклизиб куртІли сабти  
Къургъачи шурбухъунти

Хъяван саби дурхъаси  
Ханжал къяйда бугаси  
Дявти ахІедилкъахъес  
Саби дазулиб тІашси

**3. ГІямарова  
ХІинтІала ши.**

### Нешра-ца

Нешра--ца  
ВатІанра--ца  
Дурхъаси балга къяйда  
УркІилаб мер буцибти

Чарбиубти гъубзначи  
ХІялимли хІербикІути

Нешра-ца  
ВатІанра -ца  
Дявиллизиб бургъути  
Уршбачи саби хІерти


Нешра -ца  
ВатІанра -ца  
Хъалибаргла разидеш  
Чуни ца ван буртІути

Нешра -ца  
ВатІанра -ца  
ЧархІебухъун гъубзначи  
Ца децІли цІумбикІути

**3. ГІямарова  
ХІинтІала ши.**

Нешра-ца  
ВатІанра-ца  
ДецІла халаси  
бугІа  
Чуни цугли  
буртІути

Нешра -ца  
ВатІанра--ца



## Къасчевдешли чевяхІварибси

Спортла дунъялизиб адамти къуватчевдешлицун ахІен гъалабяхІ башахъути. Спортсменни къалтийчир ва спортла цархІил журналир чедибдешуни диахъес багъандан жагъил адам къасчевси ва бамсри хІебалусира виэс хІяжатси саби.

Мургъила бутІа лебли биалра, иличил халаси хІянчи хІебаралли, сегъуналра ваяхІ бетхІерар. Илкъяйдали къуватчевси жагъил дугихІери хІеили, узалли ва гъираличил гъалавяхІ вашалли, машгурра вируси сай.

Илгъуна секІайчила ункъли балули сай Дахадаевла районна Уркухъла шилизивадси Ислам Гямаровлира. Мурталра ил азгъиндеш хІедалули, спортливиз гъалавяхІ вашуси сай. Илкъяйдали ибкъси

адамти лебти саби. Ислам Гямаровра идлигъунтазивадли ца сай. ММА-ла машгурси спортсмен сайлин, илала у республикализиб-цунра ахІи, улкализибра гІяхІил балуси саби.

Ислам Гямаров 10 дус виубхІели, илала халал узи Къурбан Гябдулмажидовли Уркухъла шилизибси ХІямид ХІямидовла уличилси ДурхІнала-гъулукъабала спортла школала мушлукъабала заллизи кибсири. Ил бархІи, сунела гІурлизив тренер ветаурси Абу-бакар Гябдуллаев къаршикибсири. Тренерлира, ил урши гІяхІси спортсмен ветарниличи вирхули, иличил узес къасбариб.

Гъалар-гъаларти бурхІназивал Исламли сай бажардичевси ва къиндешуназивадли уруххІейрус

къуни лугни, уршила гъа-рил секІайчи чекайзни виштІаси спортсменна Гямура бетуцунили детаур. Илгъуна ибкъси бузери дугІира архІебжкъун.

Чумал дус Ислам илкъяйдали чекайзурли узусири ва гІяхІигъунти спортсментала къяназив виэс къасливзир. Гъарли-марли мурталра тренировкабачи чекайзурли вашухІели, низам чебетаахъили бузахъухІели, гъарил секІайчи урши умутличил бурсикайубсири. Илкъяйдали декІар-декІарти абзаназив чедиркусири ва чеббикІибси санигІятливиз гъалавяхІ вашусири.

2016 ибил дусличивадли Ислам Гямаров спортла гъудурси журала цацали бирхІнила бетуцливиз узули сай. Ил чуйна абзлизии кайзалли-

ИшбархІи Ислам Гямаров машгурси боец, АСА-ла чемпионна ирила вегІцун ахІен, халкъаниургабси бетуцливиз хІурматла спортсменра сай. Илала у къайгъичевдешла, бузери дигнила ва вегІла цакайличи вегІ вирхнила лишанни бетаурли саби.

Ислам Гямаров 15-йна вяхІили сай, амма гъачамалра удикили ахІен. 2019 ибил дуслизив Темирхан Тимирхановличивадли, 2020 ибил дуслизив ГябдуряхІман Темировличивадли, 2020 ибил дуслизив Замир Арипшевличивадли, 2021 ибил дуслизив Биберт Туменовичивадли, 2021 ибил дуслизив Жихад Юсуповличивадли Ислам Гямаров чедиикни судьябала цауркІли дурасибси хІукмуличил марбарибсири.



бузериличил спортлизи ахъибхІели сай ил чемпион ветаурсира.

Спортлизиб, гъарли-марли, бузери дигниличибли ва чекабизурдешличибли чула устадешла даража чебяхІбирахъути

урши сайни чебаахъиб. Илала къайгъни А. Гябдуллаевли чедиулри ва урши чІумали гІевуцес къасбариб. Гъар бархІи дурадуркІути тренировкаби, бархІиличи-бархІи уршилис сагати хъарбар-

ра, уршила спортличи диги ва къасчевдеш чедиухІели, нуша тамашадиурла.

2017 ибил дуслизиб ММА-ла Европала Чемпионатличиб, 2018 ибил дуслизиб Гвадалахарлизиб бетерхурси ММА-ла Европала Чемпионатличиб, 2018 ибил дуслизиб Челябинсклизиб бетерхурси Россияла ММА-ла Чемпионатличиб, 2019 ибил дуслизиб ММА-ла шайчибси дунъяла Кубок багъанданси абзлизиб сархибти чедибдешунани бикъридеш дирули сари илала пагъмулис, къайгънас ва спортлис марси виънилис.

Амма Ислам илди сархибдешуначив гІашхІейсур. Ил сагати ахъанайти ахъес багъандан, узес даимиублири. Илкъяйдали бамсри-агарси бузериличибли ва къайгъначибли Ислам Гямаровличи Дагъиста ва Россияла бахъхІила «Дубурлан» бикІуси клубли пикри бяхІичиаибсири.

Исламличил бузули саби опытчебти тренерти-преподавательти Шамил Гялибатиров ва Сухраб МяхІяммадов.

2019 ибил дуслизив Фархад Тешабаевличивадли ва 2017 ибил дуслизив Мирлан Давутовличивадли Ислам чедикибсири технический нокаутличил.

И. Гямаров Жафар Исмиевличивадли ва Нурудин Амраховличивадли (2019 ибил дус) гІяндуршнила уюн барили, чедикибсири.

2023 ибил дуслизив ГІялихан Сулеймановличивадли ил заманалис гъалав чедикибсири ва АСА-ла Чемпион ветаурсири ва чемпионна ири сархибсири.

Гъалабванра Ислам Гямаров Алексей Полпудниковличилси абзливиз гІяндуршнила уюн барили чедикиб ва чемпионна ири сунезиб калахъун.

Ислам Гямаров мисалли ветаурли сай ибкъси бузериличибли ва вегІличи вегІ вирхнили черяхІти чедибдешуни сархес вирнила. Илала бамсриагарси бузерили ва чекайзурли тренировкабачи вашнили сай урши бекІлил удихІеркусили ветаахъурси. Ил дубурлан урши мисалли виэс вирар спортлизири



(Хъарахъуд— 8-ибил бяхІлизиб)

**(БехІбихъуд—7-ибил бяхІлизиб)**

сархибдешуни диахъес хьул-бикІути спортсментас.

### Октагонна дураб

Ибкъти тренировкабас ва тама-шала абзанас гІергъи, сунечи са-бурагарли хьулиб хІерти лебни балуси спортсменнис сай акІубти

рахІелли, Олимпиадализир бутІа-къяндеш даресил. Сен илкъяйда буруси гъатІи спортсментани?

Ишаб бекІлибиубсигъуна сабаб-лизи халбарес вирар уршила ара-деш мяхІкамбирниличила дудеш пикриикІни. Спортла ММА-ла жура дебали урехиласи саби. Су-нени чеббикіиби спортла жура илини къиматлабирули виалра,

къуватлашал гъалаяхІ вашни ва спортлизив ахъикІни. Спортла зубартани балуси саби спортла олимпиадала журализиб имціали гъалабахІ букъес бирниличила. Илкъяйдали илдас дигулира саби чула дурхІнала челябкъла шала-сила ва гъарбизурсила биахъес.

Бархъаначи буралли, Исламли сунела уршилис ихтияр лугули сай спортла сунес дигусигъуна жура чеббикіахъес ва ил сегъуна гъунчивад укъес хьулухъаллира гІевуцесра ди-гули сай.

Цабалгунси ил хъалибарглизив спортсмен ункъли гІевурцуси ца гъатІи адам лев. Ил Исламла узи ГІямаркъади сай. Илини спорт чеббикіили хІейалра, узила санигІятлици разили сай ва мурталра ил гІевурцу. Сай биалли, тухтур ветас багъандан чебяхІси даражала заведениелизив учІули сай.

СанигІятлашал Ислам гъала-вахІ вашниличи хІерхІеили, илдала хъалибарглизиб абзана-чи хІерхІебикІути адамтира лебли саби. БегІ гъалабси яргализир илгъунализи халрарес вирар илала неш.

Илис дебали къяанни саби гъамадли ахІенси баркъудилизи ахъибси уршилици хІеррикІес. Ва лергІер къакъарикІулира рирар гъарил абз бехІбирхъухІели. Спортсменнира ункъли балули

мер-мусаличи чарухъес дигахъу.

Хъулир илис разили гъунрирули сари сунела гІямрула марси гъалмагъ. Илини мурталра Ислам гъар шайчивадли гІевурцу-си сай ва чедибдешунани ил рази-рирахъули сари. Исламла гІямру-лизиб мягІничебси мер бурцули сай илала уршилира.

Гъарил спортсмен хъуликІуси сай уршили сунелагъуна дякъ чеббиркІниличи. Бахъалгъунти уршбасра илгъуна секІайчи пикри бяхІчаеэс хІяжатси саби.

Хаслира спортла ММА-ла гъудурси журапа цацали бирхІнила бетуцлизив дудеш машгъуриубли виалли. Илгъуна агилизиб суал алкІули саби Ис-лам ГІямаровлис сунела урши ММА-лизив чеэс дигахъуливи иб-си. Ил суайс хабарагарси жаваб биэс бирар «Юх» ибси.

Бахъалгъунтас гъанбиркули биэсра асубирар, спортлизив гъалавахІ арвякъунси дудешлис сунела урши ММА-ла боец ветар-урли дигахъуси бургар, или. Ам-ма гІямрулизиб цархІил тяхІярли-ра биэс бируси саби.

Ислам ГІямаровлис дигули сай сунела уршили спортла цархІил жура чеббикіили. Мисаллис бу-

сунела дурхІяли илгъуна урехи-ласи санигІят чеббикіили хІейни багъесли саби Исламлис.

Илгъуна сабабличибли саби имціати спортсментас Олимпиа-дализир бутІакъяндеш дируси



спортла журализиб чула дурхІни чебаэс дигусира.

Ца гъатІи мягІничебси секІайчи-ла гъанбушес вирар — адам

сай аткагонна дурабра иличи хІерти ва сай багъандан пикрибикІути адамти лебниличила.

**Марият Чапарова.**

# ШИЛА ГІЯМРУ СЕЛЬСКАЯ ЖИЗНЬ

**УЧРЕДИТЕЛЬ:**

«Дахадаевла район» МО – ла администрация.

<http://selskayajizn.ru/>

сетевое издание

«Кала Корейш медиа»

e-mail: [inf.otdel7@mail.ru](mailto:inf.otdel7@mail.ru)

Тел: 8-964-002-43-06

1931-ибил дусличибад дурабулхъуси саби

Газета 2009 ибил дусла декабрьла 28-личиб массовая коммуникациябала, бархбасла ва культураласи букъур мяхІкамбирнила шайчиб хІеруди бузахъуси Федеральная служба ДР-лизибси Управлениелизиб белкІунси саби. ПИ № ТУ 5-0047

Газета дурабулхъуси саби жумягІ бархІи.

Дусли 52-на дурабулхъан.

Индекс -- 63314

Печатьлизи къулбасбарес кабизахъурси замана -- 16.00.

Печатьлизи къулбасбарибси замана -- 16.00.

Редакциялизи дархъибти белкІанас рецензия лукІуси ахІен, я илди чула бегІтачи чардирути ахІен.

Газетализи кадирхъути материал-тала автортала пикрумачил редакцияла пикри цугхІебикесра асубирар

ДР-ла миллатласи политикала, информацияла ва дуралати бархбасу-нала шайчибси министерствола газетабала-журналтала типография-лизиб кабахъибси саби.

Адрес: 367018 МяхІячкъалала шагъар, Насрудиновла уличился къакъа, 61

Автортани чула материалтала хІекъдешлис ва бархъдешлис жаваб лугуси саби.

Редакцияла ва издательла адрес: Дахадаевла район, Уркухъла ши, ГІ. ГІялиевла уличился къакъа, 9  
ТИРАЖ — 400 экз

БекІ редактор  
Чапарова М. М.

Редактор  
Курбанова П. О.

Касили някъла къалам,  
ВикІула ну хІед салам.  
ВатІан машгъурбарибси,  
Уркухъан гъабза Ислам.

ВирхІули гъубзначули,  
Сархули цаибил мер.  
ГъалавахІ ганзикІули,  
ГІямру гъардизаб лергІер.

Багъадурлагъуна саб,  
Чеббикіибси санигІят.

Дуржибти някъбачули,  
Суал ирзид бусягІят.

ДагъистІаннисцун ахІи,  
ВатІаннис пахрури хІу.  
Илкъяйда зайбикІули,  
Калаб Ислам хІела у.

Гъарбизурси игъбарли,  
Пачаван ахъуцаби.

ГІяхІ хабар гІинтІбирули,  
Аллагъли гІевуцаби.

ХІела сархибдешуна,  
Шадбирулри шила халкъ.  
Мегъван чІумаси чархла,  
ИмціабикІаб мурткІал цакъ.

СягІдулла ГІябдуллабеков.  
Уркухъла ши.

## Ислам ГІямаровлис